

www.BibleForChildren.org

Maatiu' 26



Teketa tee,
~na'mung-taa doong
otoko Taamang Baari'koong~
nkoaava'naang Jiisuu'
Beetani-namono-aape
nanuu'. Temono ee'namono Lasarusi
bakanamono, tee Jiisuu'ke tero
daa'antavuu'nung bakanamono.



Ee'noko
Meeri'ke
mou-koong-pina'
ntong-pina'
basi duuni nkavui
pou', tampa'
nuuraa' naru', naarada'
narunge nkonii', moo'
pankaing-koonaru'.
Ee'noko Jiisuu'koong-koo
kau'koo koo'uu' ee'noko
bakaange dapoi napo' kau' piu'uu'.
Ee'noko teie tampa' nuuraa'ke
teva nari' nuuraa'aru'.




Teketa Judasi Kerio'nara Jiisuu' bakaning nanai'keta
kenaanka-koo narung nanuu' piristi'nuka-koo
pankainuka-anko nari' mumunsiaara
teing-anko sivuu'naang.

Ee'noko teinge taaravaara
bakei dotuariru'. Dotuarira
tee mooni' teinge avu'koo
tampau'. Ee'noko teie
batei ee'noko taung
besi'uu' Jiisuu'
sivuaina'.



Teketa teing barevare-nupoong tee'
Jiisuu'ke nauvuru'na' berora
maamu-antavau' tee Baari'koong
Taamang. Teketa tee' taamanaama
Jiisuu'ke berete'nu nkavura,
biraankevura, pisi'uu'. Pisi'ura
bakaning barevare-nupoong avurima
aa'puu', "Nkaverira naieriai, aung tee
nkaang mono makosi."



Teketa napo' uaininareng
avaako nkavura kompui tampa'
tampura Kumponing-koo teing
avurima aa'puru', "Aru'koo naikiriai
dii' ookara. Aung tee nkaang ereng
nerakung kara narooong-anta
pinka'anta-koong makosi, mmau'
nantoong biikaang orarananka
tonta'anta-koo dakoaravaing."



Ee'noko Ovoringe aa'puu', "Saimoni' ee, Saimoni',
Sietani' tee taura'pari otong parapaarai
naaranturii'naang; Teka ninge da' paku-koo
eentamaring dakaang baito paa'aravaroo'naang.
Ee'noko tenang duarua'daravainoo'keta napo'
bere'darara da'maikori' puring antaveriaing."



Ee'noko Piitai maku'uma Jiisuu' aa'puu', “Ovoring, ning maamumari o'nong da' ninka nari' nanu'koo kiimataroma ee'noko boo'aape.” Jiisuu'ke aa'puu', “Ninge nauramaang, Piita, e'moong kokoree' mme' koo'kuaruko beemu'pie da' penkentaravaing ning noru'mei otoi'noo'koo.”



Teketa tenang Jiisuu' teing
ninka bakaning
barevare-nupoong nii'noo'
Ketsemani
tampaako'noo' berou',
ee'noko te' berora aa'puru'
teing, "A' ba'nanirio' ning
anka' mera kunsimaravai."
"Mma', Mma', da' makosi
ookara kapoo' nko-koo. Aung
kiimata koong kaapu
baari'antameai, teka kapoo'
ninka piamomaung makosi
deea', kapoo' daka
piaromaung deeko' makosi."



Ee'noko Judasi noru'uitaa' te' pou' tavutavu'navitu ninka ee'noko Ju' biikaang piatooronuka~ ninka, piristi'koong ovontunge ee'noko Boto Keperuu'navitue botoaaru'ning ninka. Teing kaava-po'nupoong, kosiana, daamu dovang ninka porou', puu. Ee'noko teing-koo narunge piristi'koong pankaing bakaang botovotonaa' teka'puma dome' tamparome' ete'uu'. Teka Jiisuu'ke aa'puu', "Ei, bakerari." Ee'noko Jiisuu'ke bakaang dome' kompura tempa'antavuu'.



Teketa tee teinge Jiisuu' moo'aara nkavau'nung bera
piristi'nuka biikaang pankaing bakanava'koo tavo'au'.
Piitai dama'ke isipo'keta kaarie sipuma siompuko'.
Ee'noko pava-koo
uro'mang teing Jiisuu'
moo'au'ninge nta'
betu'aara ba'naniaio'
napo' Piita te'
ba'nanuu'
teing-koo meu'.



Ee'noko piristi'nuka
biikaang pankaing
bakaning-koong
botovotonaa'koo
narunge, tee Piitai
dome' napu'uu'nung
ba'maiko'ke karoma aa'puu',
“Da' ee ninge teka
mintoong-koo Jiisuu' ninka
ooramparuing tantaramaang?”
Ee'noko napo' Piitai aa'puu',
“Otoa'.” Ee'noko tenang namu'ke
kokoree' koo'kuu'. Ee'noko teketa
tenkenura orarunsiari biromparu'.





Teketa ookara naro'ariru'ning daa'arira
Pailati'anko tavo'au' ee'nung
daurarong Siisa'ke botovuu'nung
Judia'navaro tare-koo. Ee'noko
Pailati'ke nia'uu' tee, aa'puu',
“Da' ee tee Ju'nupoong
biikaang daurarong?”




Ee'noko teie maku'uma tee aa'puu',
“Tee' nari' minkueina' o'nong.”
Pailati'ke Jiisuu' simpiri'anta-koo
piavora napo' nii'namu' daankivuru',
teka teinge bokiaama aa'pau',
“Aa'barata'koo,
aa'barata'koo
taakaveai!”




Aung aa' tee'paako Pailati'ke
kasivuarura taura'puru' aa'barata'koo
taakavaava'naang. Enang tee Pailati'ke
taura'purio' nii'ning piatooronukai Jiisuu'
oko siong-antavau'. Ee'noko Jiisuu'ke
bakaang aa'barata' nkavui osi-eta
tenkenuu' bera Makupi'noo'
tampaamanoo' basiaru', Ju'nupoong
biikaang kara-koo Kolokata'
tampaamanoo'.



Teka ee'noo'ka taakavau'
aa'barata'koo. Ee'noko
kenaankara nii'naanka
napo' taakavaaretu'
aa'barata'koo,
nii'nara
tampavine-aape,
nii'nara
mare'aanavine-aape,
ee'noko Jiisuu' meu'.



Tenang duaa' mutaanampuio' tee baarong pava
dootuu'nava pankava-koong, meekavaro ku'nung, meu'
ke'me'aru'. Ee'noko Jiisuu' aa'na' deto bokuma aa'puu',
“Mma' ee, nkaang tanuaang
dakaang bireng-koo
sipansing.” Ee'noko tee'
minkuvuma asi'namu'
domaang oparu'.



Avoroa' Pailati'anko bera tana'uu'

Jiisuu'nung mono nka-koo.

Ee'noko Josepa'ke pankaing
baarong kakaara moo'uu'

Jiisuu'nung mono

nopa'koo, ee'noko

aa'barata'keta

sing-antavura teie

baaronge kakaarai

nopa'uu'.

Ee'noko kuvi
dako'doma boia'koong
nenke'au'nung-koo
kuung sipura karanaang
kapang kaavororii'
kovempura ku'numpuu'.



Teketa dauna'mung teing piristi'nuka-koo
pankeng ee'noko Boto
Keperuu'nuka Pailati'anko
berora aa'pau', "Ee
pankaing, nii'ke tee tosi
bauko bakaang kara
norunoru'ampiring
domampari
minkuvuu'nung
aa'puma,

'Beenang
doong
tankinuko
ning
napo' daa'maravaing."



Ee'noko tee teinge berora tee kuvi
pinka'au', aa'nou', ovo'ma'
bakaang taa'ni'anta
kapang-koo dau sipau'
teie para'aama, ee'noko
tanata nkonuka
miru'aaru'.



Doong Uaana'mung tankinuo'
Saandei-na'mung siraka'puma
nanuko Meeri' Ma'dala-nani
ee'noko teni nii'nani Meeri'
beretu' tee kuvi
dako'doma
oovuree'naang.
Tenaanka te'
basiareko u'mi'

pankaing
nkoaru'.




Narung koosinung~ Ovoring bakaang
paning-eta te' siarara kuvi-aape
bera tee kapang kaavororii'
kato korimpuu' ee'noko
tee-koo dau ba'namparu'.

Ee'noko teing te'
tareaako'ning tee-koo
aa'na' avoro'ke
dai'urio'
dankuranku'arima



boo'pina'
otorou'.



Ee'noko teie koosinunge tenaanka
manikumaara aa'puretu', "Dee'
arorereauka'. Noru'ansi
o'nong dee'ke Jiisuu'
besi'eremang, tee
ee'nung aa'barata'koo
taakavaieeng.

Tee tee a' otoa',
domamparing tee'

minkuvuu'na'. Poreta
oovereaing a'
bempaieenoo'."




Teketa tenaanka manikumaara namu'ke
tenkenuretu' teketa kuvi dako'doma-ita
avororema, nka tee domang dotue
maanto'uresi. Ee'noko kua'paretu'
teing bakaning
barevare-nupoong
nauaaree'naang.



Teketa Jiisuu'ke tenaanka teka taunga
ta'nina' oro'pari kune'ureta aa'puretu',
“Dee'ke ee!” Ee'noko tenaanka
tee-anko poreta bakaang
kau' boko'ureta
pankaing-antavuretu' tee.





Dama'ke Jiisuu' teing-koo nanai'keta narung-koo
basiaru' taamanaako. Ee'noko iikoo'uru' domampario'
ooau'ninge minkuaako noru' tupu'paa' otoroi
masika'antavaariaruu'nung-koo. Dama'due Jiisuu' teing
ninka kareaakotaa' baka siramparara paning-aape
koinuu', ee'noko Kumponing-koo
tampavine-aape ba'namparu'.



Ee', Kumponinge
nii' ookara kansi'nupoong aa'na'
piaamurikota' tee Bauring narung
masikung kirokai taura'puu'nung tee
boo'paraa'naang nii' paku-koo; bera
tee naning tee masika'antavuaing
paa'aravauka'nung, teka
domaang oparavaung
oto'evuaing.



Rooma' 3:23

Aming-koo, ookara nari' oraka' nkoarima kaari'arikoo'
Kumponing bakaang meenasi kong-koo.

Rooma' 6:23

Orara aarumoi tee moo' avu'koong, tee boo'. Ee'noko
Kumponingee tee bauta'muriaing teie domaang
oparavaunge Jiisuu' Karistoo'koo kuunge,
niikaang Oving.

liburu 9:27

Kumponingee toomo aung: Nantoong tee namu'ke
booroaing ee'noko tee-koo dama'due koosinampariaing.



Epeses 2:8,9

Ai' Kumponinge avusiro'ari domang-anta masika'antaveru'noo' deeko' domantariru'ning, dii'ka deea', bauta'durima. Kapoo' nkoveriko tee' domanturia' maku'koo. Maroita, naning daangampara'neeng-koo.

Rooma' 10:9,10

Tee dii'ke karang-eta sira'periaing deeko' aa'perima, "Jiisuu' tee Oving," ee'noko masika'antaveriaing diikaang domang-eta tee Kumponinge domang-antavuu' nung bou'noo'keta, tee'koo enang dii' domantariaing. Tee naning masika'antavuko bakaang domang-eta tee koonto' naning tampuaing; ee'noko sira'puaing bakaang karange tee tee moo'aravaing.



Jooni 3:16,17

Ee', Kumponinge nii' ookara kansi'nupoong aa'na' piaamurikota' tee Bauring narung masikung kirokai taura'puu'nung tee boo'paraa'naang nii' paku-koo; bera tee naning tee masika'antavuaing paa'aravauka'nung, teka domaang oparavaung oto'evuaing. Kumponinge Bauring botovuu' domang-antanung deemparaa'naang, tuumpinung deea'.

1 Jooni 5:11-13

Ee'noko tee kara Kumponinge sira'puu'nung tee aung: Kumponinge tee nii' domaang oparavauka'nung amuru', ee'noko tee domaang tee Bauring-koo otong. Baa tee naning Bauring oto'evumaung tee-koo tee domaang otong, ee'noko baa tee naning Bauring oto'evuaung tee-koo tee domaang otoa'. Aung tee ninge dii'koo daariamang tee Kumponing Bauring bakaang miring masika'antaverimaung-koo dii'ke noru'erii'naang dii' teing tee domaang oparavaung oto'deruring.



Maatiu' 26-28; Luuke' 22-24; Jooni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Naasioi Bible (nas) © 1994, Wycliffe Bible Translators, Inc.
All rights reserved.

<https://live.bible.is/bible/NASPNG/GEN/1>

©2026 Bible for Children, Inc.

www.M1914.org

www.bibleforchildren.org

